



地官修制

田制
七之九

經世遺表
七





經世遺表卷之



負累

臣

丁鏞

撰

地官修制田制七

續大典曰凡田每歲九月望前守令審定年分等第及邑內

面各分等第

觀察使夏審啓聞議政府六曹同議夏啓收稅

實十分爲上上年每一結收二十斗九分爲上中年收十八斗八分爲上下年收十六斗七分爲中上年收十四斗六分爲中中年收十二斗五分爲中下年收十斗四分爲下上年收八斗三分爲下中年收六斗二分爲下下年收四斗一分則免稅○永安平安道減三分之

一○濟○州○三○邑○減○半○
○臣○謹○案○歲○之○豐○儉○不○可○九○分○雖○大○
豐○之○年○有○十○不○食○一○者○雖○大○凶○之○年○有○十○仍○食○十○者○通○
計○一○道○之○總○雖○可○分○等○細○察○諸○邑○則○有○參○差○通○計○一○邑○
之○總○雖○可○分○等○細○察○諸○坊○則○有○參○差○通○計○一○坊○之○總○雖○
可○分○等○細○察○諸○田○則○有○參○差○今○也○通○執○一○道○之○麤○筭○上○
下○其○稅○則○獨○豐○之○田○倖○被○鄰○田○之○德○獨○凶○之○田○橫○被○鄰○
田○之○害○國○用○徒○損○民○隱○終○鬱○斯○豈○綜○覈○之○政○乎○自○古○以○
來○田○分○九○等○則○有○之○矣○年○分○九○等○未○之○聞○焉○夏○后○氏○校○
數○歲○之○中○以○爲○常○則○無○年○分○九○等○之○法○也○周○禮○均○人○之○
用○民○力○豐○年○則○用○三○日○中○年○則○用○二○日○無○年○則○用○一○日○

周禮廩人以人食四鬴爲上年人食三鬴爲中年人食二鬴爲下年是麤以歲事分之爲三等也漢書天文志以風從東北爲上歲北方爲中歲南方爲下歲是麤以歲事分之爲三等也故周禮司稼以年之上下出斂法亦無九等之說下文見然且周用助法故有此上下我邦之法本近貢法又安有年分乎總之收租之法只有兩樣一是助法一是貢法除此以外無他法也助法七亭八當再無可議貢法雖有未善夫旣校數歲之中以爲常則亦以此率勉而行之而已又於貢法之中年分九等上下其稅有是理乎我邦六等之稅雖非古法亦

貢之類也。既用貢法，又察年分，其可以成法制乎？以田
等則一等一結，二等八五三等七十。既定之爲鐵案矣。
以年分則九等四斗八等六斗七等八斗，又畫之爲鐵
限矣。二法之不相合，如矛盾鑿並行，不悖決無是理。
今以年分九等之目冒之於田，分六等之上，其有濟乎？
以田等則六等之田皆收四斗。一結收四斗以年分則九等
之田獨收四斗，主之以田等則年分爲虛位也。主之以
年分則田等爲假設也。於是權於二者之中，凡一結之
田或徵四斗以遵田等之法，或徵六斗以存年分之規。
雖一路同豐斗米三錢六斗之外，不能加徵，其自十斗

以上至于二十設爲虛位終古不用是欲並用二法而其實二法俱不用也制法如此欲經用之有定度賦斂之有常數難矣今取周禮司稼之文疏理如左

地官司稼巡野觀稼以年之上下出斂瀆

鄭曰斂法者豐年從正凶荒則損若今十傷二三實除減半○賈曰年雖豐與中平一皆從正瀆十一而稅之凶荒則減于十一也漢時十分之內傷二分三分餘有七分八分就七分八分中爲實在仍減去半不稅以凶荒饒民可也○臣謹案斂法者勸粟屋粟閒粟之謂也殷周助法本無常率與龍子所謂視丰豐凶上下其率

殷周助法本無常率

與龍子所謂

視丰豐凶上下其率

理○空○然○也○然○田○之○衰○穰○跬○步○以○殊○通○千○里○而○定○其○率○必○
無○是○理○空○以○原○野○分○等○某○原○入○於○上○等○斂○之○以○上○率○某○
原○入○於○中○等○斂○之○以○中○率○某○原○入○於○下○等○斂○之○以○下○率○
在○其○本○田○是○亦○年○事○之○上○下○也○季字從禾本指稼穡若○
非○助○法○必○無○此○說○鄭○每○以○周○禮○有○王○稅○而○無○公○田○故○其○
注○與○經○不○合○所○謂○從○正○者○隱○然○是○龍○子○之○貢○法○也○豈○不○
誤○哉○豐○年○不○用○上○率○凶○年○但○用○下○率○則○不○成○助○法○其○義○
非○也○所○謂○漢○法○豈○足○道○哉○十○傷○二○三○實○除○減○半○都○是○麤○
算○豈○敢○曰○周○法○本○然○乎○漢○成○帝○建○始○元○年○郡○國○被○災○什○
四○以○上○毋○收○田○租○鴻○嘉○四○年○亦○有○此○詔○哀○帝○平○帝○繼○述○

此○法○夫○什○四○以○上○猝○許○勿○收○什○三○以○下○自○若○收○租○斯○豈○
非○麤○法○乎○

臣○流○落○南○土○十○有○七○年○試○論○康○津○一○縣○之○稅○法○其○可○驚○
可○愕○罔○有○紀○極○非○復○意○慮○之○所○能○度○今○將○本○縣○嘉○慶○已○
已○年○分○大○槩○狀○條○列○在○後○推○此○一○縣○他○邑○可○知○

己巳秋大槩狀

下○之○下○田○一○千○三○百○六○結○八○十○八○負○三○束○

黃○豆○平○三○百○四○十○八○石○七○斗○五○升○三○合○二○勺○

下○之○中○田○六○百○二○十○一○結○五○十○二○負○一○束○

黃○豆○平○二○百○四○十○八○石○九○斗○一○升○二○合○六○勺○

下之下畝三百四十三結二負八束

糙米平九十一石七斗一升一合二勺

下之中畝一千三百九十二結七十一負一束

糙米平五百五十七石一斗二升六合六勺

臣謹案己巳者大歉之年也本年旱損蟲損風損及未

移秧等災減之數共二千四百六十結零亦見大皆以

下下畝除減此備局故下下之畝其數如右若據常年

災減不過四百餘結下下之畝本當為二千三百四十

餘結又凡諸色免稅之畝亦皆以下下畝除之故其數

止此若並通計則下下之畝當為三千餘結矣各項免稅共五

百二十○總○之○所○謂○下○中○下○下○者○年○分○之○名○非○田○等○之○
四○結○名○也○年○分○之○法○行○之○不○得○故○雖○大○登○之○年○不○出○於○下○三○
等○雖○大○歉○之○年○無○改○於○下○三○等○行○之○既○久○遂○爲○故○常○於○
是○本○縣○胥○史○之○等○遂○以○年○分○認○爲○田○等○每○曰○康○津○本○有○
下○中○下○下○兩○等○之○田○不○知○下○中○二○字○本○是○九○等○之○目○六○
等○無○此○名○也○又○此○康○津○之○田○本○有○優○入○於○高○等○者○故○一○
斗○之○落○其○稅○額○或○至○於○八○負○九○負○少○不○下○四○負○五○負○限○
之○於○下○下○中○有○是○理○乎○臣所○謂○可○驚○可○愕○者○凡○本○縣○
之○田○一○結○皆○納○六○斗○無○有○一○稜○之○田○或○納○四○斗○者○然○則○
其○下○下○田○之○加○徵○二○斗○明○矣○又○凡○旱○田○之○稅○皆○徵○白○米○

六斗無有一稜之田或納黃豆四斗者我邦準折之法黃豆二斗當白米一斗然則其白米之加徵二倍明矣通計所剩則下下田加徵之米每年二千六百一十九斗零也其以黃豆之故而加徵者又二千六百一十九斗零也下下畝加徵之米六百八十六斗零也通共五千九百二十四斗之米國所不知民則出之縣令不以爲廩監司不以爲俸太倉不知戶曹不知惟一二鄉吏以之爲天賜之祿古今天下其有是乎臣所見者適此一年若在平年災減不多則下下田二千餘結又得米四千斗矣通計其數將踰萬斗臣所見者適此一縣

下中田實豆六兩者準折三刺每結二年別加
徵米又當為一千八百字四斗零阿不足論邪
三北案五斗五升

嗟哉餘七道亦苟究其源正由田等之上冒之以年分
也戶曹監司但知下下之田應收下下之額不意其如
是也御史雖潛行閭里一結六斗民以為常安其天分
絕無怨聲御史何以知矣朝廷所知者惟隱結漏結隱
結漏結其視此事真覬小功之察耳所竊既濫驕奢以
作締交權貴肆行威福一任而不之禁則民殘國亡必
由吏胥之手臣竊為之痛恨也○臣又按近例年分之
法設為虛位以啓奸竇及其措之於實務也別立四等
曰稍實曰之次曰九甚曰最九甚又於其中細分其等

六斗無有一稜之田或納黃豆四斗者我邦準折之法黃豆二斗當白米一斗然則其白米之加徵二倍明矣通計所剩則下下田加徵之米每年二千六百一十九斗零也其以黃豆之故而加徵者又二千六百一十九斗零也下下畝加徵之米六百八十六斗零也通共五千九百二十四斗之米國所不知民則出之縣令不以爲廩監司不以爲俸太倉不知戶曹不知惟一二鄉吏以之爲天賜之祿古今天下其有是乎臣所見者適此一年若在平年災減不多則下下田二千餘結又得米四千斗矣通計其數將踰萬斗臣所見者適此一縣

湖南五十三邑必邑邑皆然通計其數將踰萬石豈不
嗟哉餘七道亦苟究其源正由田等之上冒之以年分
也戶曹監司但知下下之田應收下下之額不意其如
是也御史雖潛行閭里一結六斗民以爲常安其天分
絕無怨聲御史何以知矣朝廷所知者惟隱結漏結隱
結漏結其視此事真覬小功之察耳所竊旣濫驕奢以
作締交權貴肆行威福一任而不之禁則民殘國亡必
由吏胥之手臣竊爲之痛恨也臣又接近例年分之
法設爲虛位以啓奸竇及其措之於實務也別立四等
曰稍實曰之次曰尤甚曰最尤甚又於其中細分其等

曰稍實邑之尤甚面曰尤甚面之稍實里零零瑣瑣名目猥陋而畢竟皆歸於麤算非精覈密察之法也臣謂年分止存三等曰上等等中等下等一道諸邑分之爲三等一邑諸坊分之爲三等於是每使一坊細考魚鱗圖畱畱查考分之爲三等以之減租今謂之以之寬賦以之停糴以之行惠恤之政而猥陋名目悉行滌除於事爲便也○臣又按九月望前有早有晚秋分之後霜降之前正其時也守令報狀宜以寒露日爲定期監司狀啓宜以霜降日爲定期也

續大典曰凡一結收田稅四斗凡田畝下之中以上收稅

不在此限 三手米二斗二升 諸道田稅上納時每石
加升三升斛上三升倉役價六升 上納元數雖過千石
倉作紙無過二石本曹作紙及貢人役價米無過五石米
不滿六十石太不滿一百石者作紙減數下船價入倉價
每石從本色七合五勺收捧

臣謹案凡一結者六等之田皆包在中也二五以爲一加
結三等七十加三十以爲一結然則收田稅四斗者年
四五亦然則六等皆包在中分之第九等也既分九等又以第九等載之爲恒率恐
不合理使年分之法協天理而諧古典則民雖不悅當
確然不動行之益力上上之年徵二十斗勿少饒可也

如其爲法違於天理乖於古典終不可以驅駕一世則
亟宜停罷勿留虛法以惑民聽可也今也田等年分牽
連爲法挖泥帶水似粥如飯豈一王立經陳紀之術哉
法者行之者也行之謂法不行非法也法而不行紀綱
以亂民不信令吏緣爲奸此人國之巨病也今也田分
六等而其品未定年分九等而其令未伸國之大政無
踰田制而其苟且蒙昧如此百姓何述焉助法因於天
地前年收四石國不以爲少今年收四十石民不以爲
多惟是公田之出由於自然故升斗之差雖至百等上
無愧焉下無怨焉貢法因於人意前年收四石國疑其

已○少○今○年○收○四○十○石○民○疑○其○已○多○雖○其○歲○事○之○豐○儉○差○
以○什○倍○民○將○盼○盼○然○疾○視○其○長○上○矣○夏○后○氏○之○必○行○貢○
法○臣○常○未○信○子○義○見○孟○如○其○行○之○必○校○數○歲○以○爲○常○而○已○
何○則○下○下○之○年○徵○四○斗○可○也○上○上○之○年○徵○二○十○斗○不○可○
也○不○可○也○故○校○數○歲○以○爲○常○今○乃○於○貢○法○之○中○又○行○年○分○
其○有○漁○乎○故○其○最○初○年○分○之○時○偶○入○下○下○之○等○者○至○今○
納○四○斗○偶○入○下○中○之○等○者○至○今○納○六○斗○偶○入○下○上○之○等○
者○至○今○納○八○斗○湖南諸邑田稅納八斗者間間有之
康津縣亦有下上田十二畝五束十
斗○以○上○未○之○聞○焉○雖○大○豐○之○年○其○下○下○者○常○爲○下○下○雖○
大○殺○之○年○其○下○上○者○常○爲○下○上○名○雖○年○分○其○實○田○等○也○

原○初○量○田○之○時○一○等○一○結○二○等○八○五○三○等○七○十○四○等○五
五○五○等○四○十○六○等○二○五○既○歷○歷○分○等○及○其○收○稅○之○時○又
分○三○等○下○等○四○斗○中○等○六○斗○上○等○八○斗○又○歷○歷○分○等○此
削○之○上○又○削○夢○之○中○又○夢○也○早○知○若○此○六○等○之○田○皆○以
百○畝○爲○一○結○令○無○大○小○之○差○惟○以○米○斗○之○四○六○八○十○爲
之○差○等○不○亦○善○乎○作○結○之○時○欲○使○名○一○結○者○其○稅○額○皆
同○作○結○之○後○又○分○三○等○上○下○其○稅○則○回○思○本○意○是○誠○何
心○作○結○之○法○未○改○則○差○稅○之○法○宜○革○差○稅○之○法○未○革○則
作○結○之○法○宜○改○兩○法○雙○存○再○減○三○削○非○制○也○此○法○求○諸
天○理○而○不○協○稽○諸○人○心○而○不○允○故○吏○知○其○然○其○所○謂○下

中下下者通徵六斗陰竊其贖謝爲天貺方其始竊
之日其遙笑朝廷當如何矣此臣所以太息而不能已
者也臣又按若據作結之本意則法當書之曰凡一
結收稅幾斗或六斗或七斗若據差稅之新條則法當書
之曰凡一結收稅視年分上下四六八十至於二今也
不然觀其外面則似恆率究其裏面乃指凶年其書法
模糊而不明也且曰凡田畝下之中以上不在此限觀
其外面則似田等究其裏面乃指年分惟年分有其書
法模糊而不明也下中六斗下上八斗至於二十曷若
備書之爲悞乎豈可但以不在此限了其差法乎此文

不明故吏緣爲奸而民莫之覺悟也可勝歎哉

故事紀要曰宣廟朝設訓練都監三南海西關東始

收三手米三手者斫手殺手射手也每結二斗二升

仁廟甲戌命三南量田減三手米每結一斗○臣謹案

三手米之徵於田結卽一時權宜之政不可以爲法者

也孔子曰名不正則言不順名之曰三手米則徵於田

結其言不順不若直以增稅爲名我邦田稅本近貉

道增之無所愧也○臣又按英宗甲子續大典成

正宗甲辰大典通編成而仁祖甲戌之令不載於正

條僅見於小注今守令所觀者正條而已恐有數邑依

舊典○仍徵者○亦甚疏矣○
臣謹案○千里轉輸○不能無減縮○斛上之加○不可無也○然
既載法典○與正稅混○故六升之米○推排作石○既滿一石
又說其縮○秦之求無已也○名色煩瑣○則其分排結負之
時○破分析釐○劈毫剖芒○龠合之零○皆受一升○名不可多
設也○謂加升与斛上下船入倉○皆有腳價○不可以不慮
也○太倉戶曹書紙浩煩○不可以不慮也○貢人奉公○應有
役價○不可以不慮也○然其費既然○其斂宜增○何不於地
部席上○算此諸費○直增稅額○顧乃細作名目○委諸縣吏
之手○以啓其增稅之竇也○所謂斛縮量縮○以增稅至京

倉○收○納○之○日○每○以○六○百○斗○之○米○許○給○船○人○以○當○千○石○之○
縮○不○亦○可○乎○每石六升則每十石所謂倉役量役以增
稅○至○京○倉○收○納○之○後○出○自○庫○中○以○給○其○餼○不○亦○可○乎○所
謂○腳○價○量○腳○以○增○稅○至○京○倉○收○納○之○日○計○腳○以○給○雇○不
亦○可○乎○所○謂○作○紙○所○謂○貢○價○莫○不○皆○然○皆○當○量○費○以○增
額○不○可○於○正○額○之○外○絲○毫○纖○翳○附○益○之○爲○贅○也○乾○乾○淨
淨○嚴○嚴○肅○肅○使○上○下○吏○民○知○正○額○之○外○毫○髮○有○增○便○陷
極○律○然○後○其○取○於○民○有○制○矣○夫○上○以○其○法○徵○於○下○民○下
以○其○法○輸○於○國○家○然○後○有○司○之○臣○管○其○所○輸○以○之○班○祿
以○之○班○餼○以○之○給○雇○以○之○酬○價○則○名○正○而○言○順○體○尊○而

事○治○今○也○正○額○之○外○又○以○苟○且○之○言○私○乞○小○民○曰○予○斛○
有○縮○爾○其○添○之○予○隸○有○勞○爾○其○酬○之○予○僱○亦○多○爾○其○防○
之○予○吏○治○簿○爾○輸○其○紙○予○胥○有○貢○爾○給○厥○餽○零○零○瑣○瑣○
雜○雜○猥○猥○曷○若○正○額○之○上○直○增○數○斗○使○其○名○正○也○
又○按○法○所○不○言○民○則○納○之○者○亦○多○
雜○役○法○與○不○法○並○皆○開○列○在○左○
臣謹將康津縣田結

每○一○結○
○稅○米○六○斗○
○三○手○米○一○斗○二○升○
○大○同○正○米○

十○二○斗○
○本○縣○雉○雞○柴○炭○價○米○四○斗○
○結○錢○五○錢○
均納于役

廳○
耳○錢○一○分○
○奎○章○閣○冊○紙○價○三○分○
○大○同○縮○米○七○升○

此因兵營武斷之故○書員考給租四斗者東俗稻不卷
有此名色他邑所無

坊主人勤受租二斗○雇馬租或二十斗或二十三斗
斗○雇馬錢或十葉二十葉或三十葉四十葉一年稀
者三四斂數者五六斂官令一出民則納之○不米九

升不米者雉雞柴炭排朔不足
之米也謂之不米者隱語也

每一石○加升米三升○斛上米三升○倉役價米六

升○下船入倉價米七合五勺已上見法典○浮價米一斗

○浮價加給米八升○看色米一升○落庭米四升○

打石米一升○原人情米二升已上田稅條○大同浮價米

一斗○浮價加給米八升○大同看色米一斗○落庭

四升○打石米一升○雉雞柴炭色落米一升六合

又結斂○倉作紙米二石○戶曹作紙米五石○貢人

役價米五石法典上見○騎船監吏糧米二十石○大同

騎船監吏糧米二十石

又結斂○京主人役價米六十石○營主人役價米九

十石○進上添價米九十石每結本收米三升今不問豐凶定爲九十石○

兵營主人役價米十四石○戶房廳不足米一百三十

二石傳關色每月九石承發每月二石○又本縣還穀以田結分給而

南方還穀名雖還上其實白納也詳見市糴條一年白納之

租不下數石○新舊官交遞其新舊官刷馬價皆儲置

米或結錢會減而又徵於田結新官駄價錢三百餘兩

舊官馱價錢六百餘兩○新官衙修理雜費錢一百餘兩○臣謹案其猥瑣名目大約如此考之法典則曰每一結稅米四斗三手米一斗二升大同米十二斗均役錢五錢而已法曰如此民之所納曰如彼法將何恃法者行之者也法而不行則如無法可謂太息而流涕者也今考猥瑣諸名其不可不革除者有八條一曰京主人役價也二曰營主人役價也三曰進上添價米也四曰戶房廳傳關米也五曰考給租也六曰勤受租也七曰雇馬租錢也八曰京江船浮價米也臣請略論之○京主人之職在京應上司之推索或稅納愆期名而督

之而已在邑受吏隸之歸依或盤纏不繼求而貸之而已仕宦之家禮俗漸頹一爲監司則一道邸人認爲私隸責立門下幾無曠日王堂兩司禁府監察宣傳官之屬戲謔醵飲歲無虛月或託之以契屏或諉之以筆債招呼邸吏使之奔走或新官素貧其鞍馬衣服妻子資裝皆稱貸於邸吏不卽酬償邸吏之所自鳴凡此而已此唯大臣一奏君上一詔禁而勿之其弊斯革何至增稅額於民田乎臣昔在童丱時見所謂京主人者皆奴隸下賤破落疲孱然當此之時朝令外達速於置郵紀綱嚴肅奉行無滯數十年來此風大變腴司之吏權門

之儼綺衣。執袴貌如削。王者乃爲邸吏。然朝令多滯。紀綱掃地。而其役價之米。歲增月衍。臣誠莫曉其所以然也。人或言。厥有二故。一卿宰買邸。窠也。一守令受邸賂也。世降俗淆。貪冒成風。文藩武閫。以其歸橐。廣置田莊。以其餘錢。買貢物之窠。買邸吏之窠。授其門客。與其僣人。以應招呼。於是財主坐食其利。僱客行受其雇。凡籌司公會。眞邸坐於堂上。假邸伏於庭下。假者訴之曰。策應浩煩。役價單薄。不可以不增。眞者應之曰。爾言可矜。合有變通。甲詢於乙。乙亦有牽丙。丙詢於丁。丁亦有約。先有詢謀僉同。厥願是副。飛關下邑。使之顧恤。此役

價之所以增也。縣令辭陞。既及數日。邸吏至今家謁。令之兄弟或令之子姪。誘之曰。本縣貧薄有名無實。計無餘橐。及於異宮。我以錢五萬。今以獻公公。以此事報知我。令增我役價。歲羨十苦。我窠還賣。價增五萬。在我無損於公。有利以買田宅。可育妻子。十匙一飯。不足病民。聽之者欣然。以爲天下之妙策。既得其諾。又出買錢去。買奇物。鄂羅之鏡。罽賓之氈。名香寶珠。釵釧環佩。文錦異綺。束之爲幣。往至本縣。十分其率。以其七獻于令。以其二贈權吏。以其一贈首鄉官。燭既燃。乃傳家書。歛明庭而訴之。曰。策應浩煩役價。單薄乞增十苦。以垂德澤。

令曰嗟哉汝情誠然詢于首鄉鄉曰誠然詢于權吏吏
曰誠然於是招呼鄉中不肖子弟數十人頤指而氣使
者會于客館殺豬漉酒以辦筵宴名之曰鄉會議增役
價僉曰誠然孰敢異議於是一結幾龠增于計版十匙
一飯渾然無跡舊令旣去新令又至又用前法再加十
苦歲增月行至於此極此役價之所以增也旣知如是
不可因循亟宜革除以嚴田政臣不敢妄言也○營主
人之職其視京主人尤無勞勩有特關則雇人以傳之
有供膳則受物以納之而已營下置十餘人各掌五六
邑恢恢乎其有餘矣臣童非時游全州見所謂營主人

者皆門下賤卒及任谷山見所謂營主人者亦軍牢之
退老者耳及流南土忽見營主人者皆玉貌皤腹若戶
曹書吏者爲之能書能算紆餘材幹詢之縣吏曰數十
年前本縣營主人買賣之價不過錢二百兩今其價高
至八千兩故營中豪傑乃得爲之臣由是而思之方其
二百兩之時其役價可知也及爲八千兩之日其役價
可知也所謂役價米九十石添價米九十石非八千兩
之所以高乎人或言其故有二一監司受供億也一
守令畏廉問也其始也朔膳物種索之於邸人海錯索
之於海邸山珍索之於山邸及其久也凡權門進奉之

物及營廚一應雜物皆索之於邸人一如國家諸用之索之於貢人貢人以大同米受價其價厚故民以爲業邸人以萬錢買納而受報於斗米其價薄故民不樂從於是增其役價以補其欠其膏旣浚厥願斯從凡邸吏有所無不曲副此役價之所以增也監司廉問空用親賓死士潛行村野乃得民隱乃得官疵今也營下吏胥視爲腹心一應廉問皆遣此輩不知此輩本與列邑巨猾關通締交表裏糾結縣令之見忤於邸吏課殿落職狼狽以歸者項背相望縣令安得不惴凡營主人之所言俛首鞠躬罔敢違越投淵赴火在所不辭矧區區

役○價○之○小○增○哉○權○吏○首○鄉○之○等○如○羊○畏○狼○恐○陷○廉○問○半○
菽○不○受○唯○今○是○從○於○是○歲○設○鄉○會○議○增○役○價○十○匙○一○飯○
渾○然○無○跡○年○增○月○羨○至○於○此○極○此○役○價○之○所○以○增○也○既○
和○如○是○亟○亟○革○除○以○解○民○毒○不○可○熟○視○而○弗○救○也○其○
所○云○進○上○價○米○者○亦○冒○虛○名○於○進○上○而○歸○實○利○於○邸○吏○
也○大○同○以○後○土○貢○之○弊○俱○已○革○除○唯○藩○臣○帥○臣○名○曰○朔○
膳○猶○獻○數○種○亦○以○儲○米○受○價○未○嘗○白○納○鰕○蛤○海○蔘○昆○布○
海○組○之○等○極○其○薄○略○昆布海組北海之所產其○始○也○本○
縣○上○應○營○徵○乃○營○之○監○事○者○差○擇○苛○刻○索○賂○無○厭○於○是○
使○營○主○人○質○納○均○是○營○屬○乃○得○無○事○及○其○久○也○憑○藉○索○

價○遂○徵○什○佰○時○令○本○縣○照○舊○自○納○陰○囑○該○監○十○進○十○退○
監○司○專○聽○近○習○受○其○歟○弄○棍○棊○推○治○魚○肉○縣○吏○縣○吏○哀○
號○還○乞○邸○吏○邸○乃○堅○壁○要○增○價○米○再○增○三○增○年○騰○月○刁○
此○所○以○價○米○之○上○又○生○添○價○也○今○坤○殿○大○禮○之○初○以○
坤○殿○朔○膳○添○其○價○米○及○至○乙○丑○貞○純○大○妃○昇○遐○則○
大○妃○殿○進○上○價○米○理○宜○還○減○而○民○一○荷○軛○安○不○知○脫○
邸○一○增○壘○誓○不○復○毀○增○則○有○之○減○於○何○覩○兩○殿○膳○價○
依○然○皆○徵○一○道○同○然○頗○有○覺○者○暗○行○御○史○李○勉○昇○至○全○
州○查○核○使○之○汰○減○歸○而○奏○之○申○飭○完○營○姑○以○虛○名○佯○云○
減○削○厥○明○年○春○依○舊○全○徵○其○無○可○柰○何○如○此○矣○然○既○已○

放飯矣。問齒浚。所謂役價米。膳價米。並行革除。略以他物議其變通。一粒之米。不徵於田。結然後田政乃清。而法制斯立矣。○所謂戶房廳傳關米。亦非田結之所宜徵也。營門報牒。雖每月有六七次。或因便順付。或付之鄰。優其專人發遣者。不過數次。且其腳價。不過二百一月。九石亦太濫矣。總之吏額有定。則小縣二十人。斯足矣。二十之員。皆有所掌。則此等公費。不必從厚。其取於民。有制也。郡縣之制。有定。則郡縣文牒。不必專達於監司。空自所領之州。聚而上之。此等公費。自然減省。其取於民。有制也。今姑略之。○考給租者。南方之巨瘼也。所謂

書員本非吏窠古者掌田之吏得城中閒客十餘人派遣諸妨踏驗衰實既歸使治文書數十年來列邑吏額歲增月衍多者數百少者八十於是所謂書員遂爲吏窠所食隱結多者百結所食僞災多者百結七月初始開書廳椎牛殺豬沈李浮瓜桂露竹瀝芬芳酷烈妓歌優唱杯盤狼籍至其出郊而看秋也先執富民黃穰之田豫賣爲災縣令監司雖三汰四削真災受焉僞災不動其罪惡如此而方其踏驗之日一結四斗之租受之爲賂許其秉公歲久成例考例以給此所謂考給租也既已成例遂同正稅認爲國祿何德之有於是某村

幾石列爲公籍十月開倉與還上國穀合爲一簿班布
民間原初縣令矇不覺察押署踏印一年旣誤遂爲石
典剝膚槌髓令羈徵族其有流亡絕戶不能收者歸之
於還穀唯其實戶之先納者吏則摘之蓋天下之大變
也先朝之末御史發之幾乎革弊三南羣猾並力周
旋其事遂止其無可柰何如是矣○勤受租者坊主人
之所自制也縣宰命令止於一縣道里未遠傳布不難
或因市場或因坊任因便順付亦自無滯臣前任谷山
未嘗輒以坊主人施令亦無關事苟使牧民者知愛民
坊主人雖廢之可也乃所謂坊主人者自造石典每一

結徵租二斗始亦求乞終成法例大抵田租者王政也
魯宣公小有加斂書之春秋魯哀公小有加斂書之春
秋雖在漢魏以降凡田租增減升斗之差掌史者書之
惟謹今茲我邦凡祖宗法典之外監司增之縣令增之
吏增之隸增之里正增之令出多門瓢裂唯意亂無綱
紀日以潰裂一有矯革之論起於下位則輒曰祖宗
之法不可輕改諺曰無出新法無棄前法世以爲名言
至論其實國家之所因循多係麗末弊政燕山餘烈
壬辰倭寇後權空之制其餘皆守令吏隸之所自制者
也何以謂之祖宗之舊法也人有恆言曰邑各不同

夫邑各不同者可愕之言也。一王在上夫焉敢邑各不同乎？人有恆言曰：「家家禮，夫家家禮者，可愕之言也。」一王在上，夫焉敢「家家禮乎」？一國如一身，拇指最大，中指最長，季指最細，小法也。有一人焉，其右手如法，其左手不如法，斯爲廢疾人矣。一國如一軍，大將統五營，營統部，部統司，司統哨，哨統旗，旗統隊，隊統伍，法也。有一軍焉，哨官任制一法，以行於其哨，旗總任出一令，以行於其旗，乃或恕之曰：「哨各不同，乃或安之曰：「旗旗法，其有不償軍覆國者乎？」邑各不同者，亂亡之術，非謀國者所宜安也。○雇馬庫者，所謂民庫也。民庫之弊，先王屢

言之所在。亟令革罷。而無一邑聞王命。而小動者可勝歎哉。民庫規條。道各不同。邑各不同。大抵戶徵者多。田徵者小。田徵者其罪彌大。焉有與雇馬分而二之者。有與雇馬合而一之者。其分而二之者。其斂彌重焉。其猥瑣名目。不可殫述。雇馬其大者也。夫承政院筆債王堂契。屏禁府禮布。監察禮錢。宣傳官禮饌。諸如此類。謂此縣令前在京司僚友相懽。今出爲縣令。俸祿旣厚。聊與相戲。以謀一醉。理空自損其橐。以塞此求。於民何與。承政院朝報。令自撥悶歸。而糊壁於民。何與。書院發簡。謂此縣令本慕先賢。或以道學。或以朋黨。令自悅慕。民則

何知三使臣求請自以同朝萬里出疆本恃好訟求其相助令空自助民則何知雙馬轎之制本不如太平車然其兩杠大如屋櫟輦用黃牛之革五世可傳春秋修改抑又何理如其有損令爲其母以其孝思自應修改於民何與監司俸廩富於三公如欲啖蜜自以其錢求賢佳品可也飛關山邑使藜藿不充之民供此珍異之費抑又何理如此猥雜未暇悉論唯是雇馬之錢貪虐之尤甚者也新舊官去來之馬國賜錢累百兩州府二十六匹郡縣二十一匹雖奉母挈妻率子攜婢足以是當之設有不足理空折俸以補缺顧當斂民以求益

乎原初守令以此斂民故國賜錢米毋俾民勞葛伯
食之又不以祭得無愧乎推官查官祭官試官接慰官
問情官奉箋官督運官凡因公往來者國皆賜馬所
過有餼設有不足理宜折俸匿君之賜又令民賦得
無愧乎臣前任谷山府上官訖有言雇馬庫加下錢七
百兩將以斂民查其實乃遂安推官馬價一月七十二
兩也通計一年八百餘兩遂止不斂及至歲末庫錢賸
者七百餘兩以之修廨綽然有餘舉此一隅凡所謂雇
馬錢者皆可和也勅使支站國有其餼漂船接待國有
其餼苟善用之未嘗不足青竹之貢生鰲之獻莫不皆

然臣或身經其事或目睹其姦非敢以迂闊之言強作
體面之話也臣久居民間詳知下情凡漂船一申諸島
遂殘故其匿之者十之五六凡殺獄一申厥村遂滅故
其匿之者十之八九乃漂船所過民庫之斂動如丘山
然且官沾其一吏吞其九利其一沾縱其九吞無名之
稅旬徵月斂民不作農田野以荒皆民庫爲之祟也民
庫不革國則必亡臣所爲太息而寒心者也○船人之
載稅米也受其船價厚於私漕私漕船價十斗給三斗五
升漕軍復戶又受恩例斛上加升又載法典乃復不足
有所謂浮價米始受一斗或加五升或加八升或加一

斗或設橋木或高鑄鐵邑各不同歲增月衍蓋自舟橋
司照管以來諸船梢工怙恩藉勢恣其胷臆以至此耳
丙子冬左議政韓用龜奏革其弊令用私船民皆拭目
庶幾樂生曾未十日還收令甲復用橋船噫且柰何臣
昔在京城或販宣惠廳貢價之米量以烙斗極不過十
一斗今見民間所納稅米量以大斗恰滿十五大斗十
升當烙斗之十四升則每米一石之出於民入於公其
間所耗十一斗六升也算其所竊恰爲強半在倉京倉之屬亦有
所竊非船和水調聖故意破船或湖南米賤湖西米貴
人盡偷之則粥于湖西待秋還貿或嶺南米貴湖西米賤則粥于

嶺南販于湖西種種罪惡誅之無惜浮價之米何爲而
又斂也方其浮價之將增也陰以奇物先賂縣令陰以
分利与吏相約乃增其率以圖遠利其率一增遂成石
典國之無法一至是哉亟宜革除以嚴田政不可心心
然因循也臣又按騎船監吏之糧亦以公米會減又
何以徵於民也然此是總小功之察今姑略之○又所
謂雉雞柴炭之米本徵四斗己巳之秋未移秧二千餘
結災傷亦多田結大蹙於是比其前總分布於不災之
結則一結所納恰爲八斗一自其後遂爲石典凡遇災
年或爲七斗或爲六斗守令之虐斂無憚皆如是矣

[The page contains faint vertical lines and illegible bleed-through from the reverse side.]

經世遺表卷之

負累臣

丁鏞撰

地官修制 田制八

續大典曰妄冒以實爲災十負以上佃夫及面里任之符同者並杖一百流三千里監官色吏杖一百充軍○以陳
恭起以災恭實五十負以上官吏依上律佃夫分揀

臣謹案以難察之奸擬至重之律此法之所以不行也
開必犯之門張虛喝之言此民之所以不畏也恆犯而
恆誅之則民作亂恆犯而恆赦之則民玩法不能發而
舍之則民竊笑旣發而又舍之則民縱恣凡如是者國

之所以大亂紀綱之所以大壞非法制也夫偽災不可
發也臣先臣累升至晉州牧李趾光累升至忠州牧李
寅燮累升至羅州牧三人者相与友善皆號善治嘗燕
會与語曰他事可清唯偽災不可知臣以是知偽災不
可發也凡郡縣必有名宦號爲神明旣去吏屬必爲之
語曰某公去時鞭指書廳曰彼家事不可知諸邑皆有
此言蓋竊笑而樂之也小縣之令田未滿千結謂其小
而易察也逐畝而履之若是者所失彌衆旣自目覩又
無以削減凡疏通者所不爲也此留彼留方言謂其形
相似二束三束其差不明雖復按籍打點考其四標九

疑連縣六里顛倒將何以知之汗流脇息升陵越礪奸吏奸民竊竊然隨其後而笑之將又何益有欲寧失於民者逐坊逐里全膽俵案糊以薄紙明著圖書選諸里端飭之士親於面前手授之使歸而啓之此無漏之法然其人纔出官門吏迎而笑之曰吾輩之事人孰不知匪今斯今不足相驚江流石存豈可相厄大海一滴在國無損於是攜入酒家引觴切肉雖管寧當之亦復奈何凡僞災割而與之拾其數片歸而頒之官將奈何結負之法自纏自繞自破自碎自疏自豁自紛自亂使離朱不能察隸首不能算乃從而爲之法曰犯此者杖一

百○流○三○千○里○民○其○畏○之○乎○自○制○律○以○來○原○未○嘗○一○試○其○
律○設○使○千○萬○人○中○或○懲○其○一○斯○不○足○止○如○飲○食○然○傷○食○
以○死○者○雖○項○背○相○望○食○而○不○死○是○常○道○也○又○烏○能○使○之○
不○食○乎○堯○舜○哀○民○之○數○犯○而○恨○法○之○不○立○也○議○於○禹○稷○
設○爲○井○田○庶○土○交○正○底○慎○財○賦○咸○則○三○壤○成○賦○中○邦○然○
後○其○患○乃○息○上○下○相○安○垂○二○千○年○若○於○此○法○之○外○再○有○
他○法○可○以○除○患○堯○舜○禹○稷○何○苦○而○爲○是○哉○捨○井○田○而○議○
田○政○者○皆○蒙○闇○迷○罔○之○言○不○知○聖○人○爲○何○人○者○也○

續大典曰守令之濫報災結而私用者勿限年禁錮實結
隱漏者限年

實結隱漏者十結以上三年禁錮五十結以上五年一
百結以上十年○餘結隱結許令自首自首邑並前官
勿罪隱蔽而現露者並前官繩以本律○臣謹案災傷
免徵之法自古有之故周禮均人曰凶年則不均地政
晏子曰秋省斂而助不給漢魏以降以旱蝗蠲租史不
絕書其條例並詳於大明律亦王政之不可已者也然
臣久在民間未嘗見有一民受災傷以自蠲者也臣昔
遊官府或身為官長每以為災傷分俵吏固有竊民亦
得食今而後知俵災皆虛事也民不贈賂雖蝗蝕霜枯
一粒不斂而未嘗得災也民苟予價雖紫穗紅籽百頃

皆熟而無不得災也。唯己巳甲戌之年，一望無際，初不移秧者，能不賂而見錄。然憑藉妄冒者，或相倍蓰。是又民得者十，而國失者二十。蓋無可柰何者。今日之田政也。臣故曰舊還之蕩減也。大同之停退也。災傷之免徵也。此三者國之所失，而民之所不得。民既不得，國寧無失此三者，雖廢之可也。臣久在民間，見舊還停退，綸音屢降，而一升一龠不及於村民。蓋原初停退之時，惟猾吏逋欠，得入於停退。至於村民，雖流亡絕戶，指徵無處。徵斂徵族，急如星火。升龠之穀，豈有停退者乎。停退之恩，既止於吏逋蕩減之惠，奚及於民戶不蓄者。無畬

不耕者無獲易知之理也大同停退之令每出於春夏之交當此之時民間豈有升籩之末斂者乎原額四千石則其二千石吏所逋負業已踰于咽而腐于腹者也其二千石吏所料理我舸大艣擊鼓其鏜業已東走昌原而南走耽羅者也當此之時停退令出受此恩者其誰及秋大熟逋負者蓄力而運智料理者獲贏而取羨咸得休休然賠補村民之傾罌輸官而餓死者方且解纈裡而就窀穸則大同之船蓼蓼伐鼓而出于汭港之間矣嗚呼民猶子也君猶父母也父母於子之間有物梗之阻其恩澤塞其慈愛一至於此豈不痛哉丙子春暗

行御史趙萬永行部湖南。凡乙亥春掌田管稅之吏當塗用事之吏不必執職不必按簿一並以三稜杖碎之。雖罪不悉著職不還追而萬姓拭目咸曰神明若是者何也。無一而有枉罹者也。無一而有枉罹者何也。無一而非造惡者也。村塾習藝之詩。瞑而勒之。無一句非當勒者也。凶年掌稅之吏。瞑而杖之。無一個非當杖者也。區區災傷之竊弄。特其細故也。但所謂守令偷災之說。臣嘗未信。誠以秉彝之賦。衆所同得。其真有衆民牧而偷災者乎。流落以來久處吏胥之中。其把束之所竊弄昭然。皆聞其真有犯之者矣。官沾其十吏吞其百利。

其十沾縱其百吞所獲如針芒所喪如丘陵何其愚也
吏執官贓氣勢堂堂夫子未出於正吾儕小人於汝何
誅縱恣無忌對面爲賊獍邪食鐵如食餅餌受其鉗制
不能一聲者多矣臣謂偽灾妄冒者察之而不可盡發
誅之而不可勝誅虛存其律無爲也唯守令偷灾者其
律太輕十結以上雖烹之可也臣又案餘結隱結分
而言之恐不可臣謂隱結卽餘結非有二也生疎初宦
之人不知隱結爲何物謂溪山窮谷別有幾結之田漏
於王籍名之曰隱結非也隱結之所以興其實極多一
原初量田之時一東二東逐畝增附唯其末總載之以

實納之額官不能一一打算民不能年年考籍此一竇也一續田新起之田搜羅剔按一畝不遺而僅以數畝杖報上司十結廿結皆歸私籍民既被執納稅唯恭此一竇也一或暴雨急水土落成川所落不過把束報冊增爲結負或全不予民而照舊徵稅或予其實數而匿其所私如此之類悉歸私籍此一竇也一或大殺之年十室九空全村荒廢入於陳籍官則免之吏則不赦別於他村求其族親使之納稅曰某村某甲非爾叔父乎今其陳田尚有稅額不予爾徵將於何徵民往訴官判曰查實付之鄉廳鄉名厥吏示其訴牒吏辯如河理直

辭嚴出門而批從而蹴之抵當不得遂納其稅一年成
例萬古不刊此一竇也一佃夫換易移來移去吏乘其
機增其稅額一負二負分播數人民既新佃不能明辨
問于舊佃答曰不然詢于吏所答曰欺汝一往一來所
費不些一束二束所爭無多民則納之遂成石典此一
竇也一坊任里豪有所憎惡就其私草任增其額三負
五負忽然加出吏則受之樂其利已雖欲官辨證者強
猾民則納之遂成石典此一竇也如此等項銖累寸積
歲增月羨有進無退試以臣所居數百里內可目之所
聞見言之多者數千餘結少者八九百結如羅州者咸

云○隱○結○恰○至○萬○結○誠○如○是○也○魯○之○季○氏○三○分○公○室○不○幸○
復○覩○於○今○日○矣○且○此○隱○結○方○其○銖○累○寸○積○之○時○或○聚○之○
以○殘○缺○或○託○之○於○陳○荒○不○知○者○認○之○爲○遺○秉○滯○穗○不○足○
淡○爭○淵○魚○叢○雀○不○必○盡○察○及○其○積○東○以○爲○負○積○負○以○爲○
結○積○結○以○至○於○千○結○也○壑○舟○夜○徙○博○叢○晨○枯○而○有○司○者○
猶○不○覺○矣○何○以○謂○之○然○也○已○已○甲○戌○之○年○秋○事○大○無○厥○
明○年○春○王○稅○將○徵○而○富○戶○腴○田○之○稅○嚴○選○極○擇○以○其○上○
品○千○有○餘○結○除○之○爲○隱○結○已○自○前○冬○受○其○稅○米○使○之○防○
納○東○風○解○凍○載○之○我○舸○東○浮○大○海○粥○之○于○昌○原○嶺南之
又○以○其○餘○嚴○選○極○擇○以○其○上○品○數○百○餘○結○除○之○爲○偽○災○

除之雜稅

吏所自制見前

除之為營主人役價除之為

營

京主人役價除之為進上添價除之為官需除之為營

需除之為宮房之無土免稅

詳見

精英骨子抄拔無遺

以充吏腹以肥官膚於是旱損蟲損風損霜損蒿萊之

田茶蓼之留疲瘵殘疾鰥寡孤獨流亡絕戶之田瘟疫

闔沒之墟剝膚槌髓一滴不出之地始乃鈐束以充王

稅之額夫豈有輸於倉者乎二月之初縱其猾吏與其

得校名曰檢督使之搜括豺牙虎爪望閭森張曰鄰曰

族責其代納摘其錡釜曳其犢豚掘其廚背散其藁堆

或貧寒士族訴其情真者蹴而綁之倒懸樹杪突入閨

房以按杼柚。嬪女驚恐。囚首俯伏。吏乘其脊。以搜閣板。奪其田券。取其絲枲。哀號煩冤。惻怛淒愴。旣按而粥。以之販米。纔滿百石。又載輕舸。浮之昌原。當此之時。有司之臣。入而奏之。曰。民習巧詐。專事觀望。爲守令者。不知體國。專事要譽。乞勅道臣。刻期催督。於是星火飛關。欽此。奉行。嗟呼。冤哉。民也。其得生者。畢納已久。其未納者。餓死已久。巧詐觀望。豈其情哉。當此之時。國儲蕩竭。外漕不至。都城之內。絕市十日。上下遑遑。幾生大變。由是觀之。臣所謂登舟夜徙。博叢晨枯者。非過語也。甲戌之饑。甚於己巳。然若於列邑。本無隱結。則其富戶腴田之。

不關豐凶者以充王稅之額未嘗不恢恢綽綽雖使之
正月發船民不以爲急也海南縣監李馥秀獨以富戶
先充王稅隱結之稅使吏自收不出檢督二月之末稅
船俱發船夫田吏咸懷怨毒船敗于中行吏以他事誣
于按廉狼狽失職被拿以去此南民之所深悲也總之
隱結不革則國非其國豐年之春王稅隱稅渾然皆順
故其害未著凶年之春王土王田悉歸隱稅當此之時
國者吏之國也熟視不救臣以爲不可也○欲革隱結
宜自朝廷別降嚴旨限以百日許令查報申命之曰待
查報畢到發遣繡衣專採此事其修報後隱漏最高者

用極律。其次用次律。雖最少者。禁錮終身。又申命之曰。御史復命。後又遣御史。其有隱漏不能摘發者。御史投于濟州。十年不赦。於是上告宗廟。示不敢食言。則庶乎祖宗疆土得以復完。而相我受民不失懷保之政也。不行之法。載之空言。將何爲哉。

續大典曰。京畿江原道。湖西湖南嶺南行大同法。

凡京司一應貢物之載於貢案而分定於五道者。五道各營邑所需之出自民役者。皆作米。○通水田旱田。每一結收米十二斗。○山郡作柿。○海西行詳定法。每結收米十二斗。又別收三斗。合爲十旱田則收小米。○臣

謹案法典所載一結所收大約不過米二十一斗海西
斗錢五錢然民間所納一年通計米不下四十斗粟不
下十餘斗錢不下三四兩雇馬租或至唯與吏作奸先
期防納以充隱結者乃得以三十四斗每斗容一年無
事邑各不同雖其輸米之數多少不等巧設名目朝三
暮四其實皆相近也十年以前大約一結出租百斗可
以相當今百斗猶不足矣魯之三家與國四分其所自
食無多而書之春秋以為大變今此下吏三分其國公
輸其一吏食其二其浮於三家遠矣必有大變通大更
張先正此事然後國可以為國又此隱結有所謂再徵

之○法○吏○於○今○冬○受○民○錢○穀○許○其○防○結○淫○奢○亡○度○隨○手○用○
盡○春○夏○之○交○王○稅○未○充○吏○乃○隱○身○於○山○寺○號○曰○逃○亡○馬○
弔○象○棋○消○搖○偃○仰○首○吏○告○官○查○其○防○結○少○者○百○結○多○者○
千○結○令○民○再○納○法○曰○防○納○者○杖○一○百○流○三○千○里○典大○民○
欲○訴○官○畏○此○簡○書○於○是○無○敢○一○言○再○納○其○米○再○納○既○畢○
吏○乃○怡○怡○然○下○山○以○細○柿○數○匹○棉布俗謂之白木可陰
賂○嬖○妓○乃○於○明○日○現○身○官○庭○一○笞○不○及○揚○揚○如○故○私○与○
首○吏○分○其○所○利○臣試○觀○之○無○一○年○無○此○事○也○不○知○者○咎○
民○之○犯○法○謂○不○足○恤○然○不○防○而○納○者○所○謂○計○版○所○出○三○
十○四○斗○其○餘○錢○米○又○近○此○數○雇馬租等破○家○蕩○產○不○可○

已見前

聊○生○若○既○防○納○一○年○無○事○香○餌○之○下○必○有○死○魚○永○州○之○
樂○莫○如○捕○蛇○前○車○覆○轍○不○遑○爲○戒○得○情○則○戚○不○足○咎○也○
或○有○一○村○相○與○完○議○不○復○防○納○吏○亦○完○議○必○以○此○村○陷○
於○大○筭○軍○丁○逃○故○必○索○於○此○村○還○上○族○徵○必○希○於○此○村○
種○種○作○害○不○可○支○吾○雖○欲○勿○防○而○可○得○乎○不○唯○隱○結○
爲○然○吏○以○富○民○之○田○最○熟○之○穀○錄○之○於○災○傷○卽僞此○田○
之○稅○令○其○防○納○民○雖○欲○納○倉○倉○中○稅○案○本○無○其○名○何○以○
納○矣○肯○與○不○肯○不○得○不○防○納○民○不○可○咎○也○

大典通編曰海西元火田稅每結田米一百斗巡營革罷
火田每結半稅田米黃豆各二十五斗帳外加耕火續田

每結稅米十五斗○嶺南火田每結細柿十匹

以錢代納則每匹二

兩三錢

○兩湖京畿火田每結稅大豆八斗○關東火田入

於元田每結稅大豆四斗○凡火田隨起收稅西北亦同

海西蘆田每結稅柿一匹

臣謹案中國以頃畝執稅故同是一頃而所斂有輕重
此當然之理也我國以結負執稅則同是一結者所斂
無多少此當然之理也中國之法稅總雖不可一定凡
天下田地廣狹皆有實數方百里方千里可以頃畝推
定也我邦之法田地雖難測度凡國中之田得其結總
可定稅總米萬石粟萬石可以結負推定也其理空然

及觀法典乃所謂一結之稅多少輕重有萬不同或米
四斗或米六斗或米八斗或米十五斗或米二十五斗
或米五十斗或米百斗或減三分之一平安道江或減
四分之一咸鏡紛綸錯綜參差鉏鋸雖劉晏掌財楊炎
治簿必無以均其額而壹其法誠如是也無寧計之以
頃畝使爲國家者猶知幅員之大小乎平地作結之法
既分六等火田作結之法亦當分之爲六等每視平地
增爲三倍一視一等二視二等三以作一結既作一結其稅
皆同則庶有條理但此火田本無定地溪山之民長柄
大鋤以當耒耜既斫既燒就巖礫豁之隙穿木根擁

腫之間。搔之。爬之。播之。覆之。犂确。敲仄。片片如掌。不但長廣幾尺。無以執定。若所謂一日耕二日耕。亦難摸捉。若是者。宜以農夫之額定爲稅額。或以落種幾斗定爲幾結。總之。旣名爲一結。其所徵穀粟。當令大均。平地火田。不可異也。南方北方。不可異也。旣名一結。或徵四斗。或徵百斗。非制也。

續大典曰。山腰以上起耕者。禁斷。山腰以下則舊田。勿論新斫木作田者。一體禁斷。

臣謹案。山之崇卑。有萬不同。則其腰之崇卑。亦有萬不同。法旣不明。欲民之無犯難矣。丘陵敦阜。雖山脊不可

禁耕枝山列苑之地巔雖可禁自脅以下不必禁也唯
宗山大嶽其高入天方可以議其腰也須於平地立表
測高或限三百丈或限二百丈嚴其限畧俾民無犯抑
所宜也

續大典曰每年陳田起墾處一一開錄報本曹減半稅云
減三年之稅既墾還陳者勿稅○如有奸偽混雜者該守令監
色以妄冒田結律論○田主自首者免罪○此邊浦落彼
邊泥生處查出加錄覆沙處當年則給災翌年掘沙後收
稅

臣謹案陳田者海內之所無也非無陳田陳而得免稅

者海內之所無也。臣久居村野時復曳杖周行於荒村
破陽之間未嘗見有一畹陳田時或邊裔隔遠之地陳
田潸然無際指而問之曰免稅否翁曰自我兒時彼田
不墾自我兒時彼田有稅王土而有無稅者乎。臣外家
海南之望也家本素封今飢餓且死孤寡靡託詢其故
以陳田也陳田四十結蒿萊磽确遠於人家募民耕作
而民無應者乞人白領而民無受者。白領謂無歲賣膏
沃納此陳稅已已甲戌猶然不饒膏沃既盡乃賣書籍
一把一束未嘗蠲也南方之故家世族多以此敗況於
小民其有一畹之蠲者乎陳田者國之所失百姓之所

不得按籍徵稅。勿以少饒焉可也。不然經畧之政未可已也。○大抵田之陳起不可以蠲稅誘之也。農夫多而田地少則雖當年徵稅民猶舉趾農夫少而田地多則雖十年蠲稅民亦掉頭。今之急務莫如使農夫多欲農夫多則貪官猾吏之侵害農夫者空謀禁斷欲禁此害則非束之以井勸九一之法無可奈何。堯舜復起必無以外於是矣。○今郡縣大槩狀其開列陳起之法迂暗至極試取康津縣大槩狀評議如左

大槩狀曰舊陳田九百五十三結二十五負一束內前起五十三結八十八負六束辛酉起還陳一結六十四

負二束壬戌起還陳一結十負五束丁卯起一結五負
戊辰起一結四負五束今起一結十三負在陳八百九
十三結三十九負三束○舊陳畝一百十四結七十三
負四束內前起十六結二十三負在陳九十八結五十
負四束○今陳田一百十二結六十負五束內前起十
結五十一負一束辛酉起還陳三十一負四束壬戌起
還陳二十二負八束在陳一百一結五十五負二束○
今陳畝二十三結四十七負九束內前起五結二十九
負四束在陳十八結十八負五束○量後仍陳田幾結

○續陳田幾結○降續陳田幾結

此下不能盡錄名色○臣

謹案事之虛疎莫此若也方其陳也無見之者也方其
還起也無見之者也其還陳也無見之者也其升之爲
續田也無見之者也其降之爲續陳也無見之者也其
幾結幾負無計之者也邑有田吏面書村有田監別有
與之瞬與之咄喟曰陳曰起曰起曰陳其陳也如下瀨
之船勇進千丈其起也如上瀨之船艱進一寸原總有
消而無長隱結有進而無退國之所蠲歲以千萬民之
所沾或得一二後亦行賂然官如藍丞署尾惟謹監司尊
而難察戶曹遠而莫知小有削減則匿其所私毒其所
公播惡於民使之怨國一遵其言則輦其所得蝕其所

餘○更○進○一○步○不○奪○不○厭○嗚○呼○其○將○若○之○何○不○知○者○輒○云○
改○量○改○量○嗚○呼○法○本○未○善○雖○千○番○改○量○其○有○救○乎○臣○竊○
伏○念○田○之○爲○物○布○於○大○地○漫○漫○無○際○大○畦○小○畦○大○畝○小○
畝○九○疑○連○綿○千○里○一○色○雖○斬○溝○割○洳○明○其○界○限○猶○懼○不○
察○况○結○負○之○法○大○小○有○差○欹○斜○相○雜○對○面○爲○賊○指○鹿○爲○
馬○雖○禹○稷○立○視○何○以○辨○矣○凡○馭○衆○之○法○莫○如○分○大○將○
統○十○萬○之○軍○苟○不○分○惟○有○相○蹂○躪○以○死○而○已○於○是○爲○
之○法○曰○十○人○爲○一○隊○十○隊○爲○一○哨○五○哨○爲○一○司○五○司○爲○
一○部○五○部○爲○一○營○五○營○爲○一○軍○於○是○十○萬○之○軍○其○病○者○
逃○者○傷○者○死○者○不○踰○時○而○大○將○咸○得○其○實○若○是○者○何○也○

一卒有闕不成完隊隊則告之一隊有疵不成完哨哨則告之一哨有欠不成完司司則告之大將聞之隨卽補之俾成完隊斯其所以千里轉戰軍實無虧也田亦如此百步爲一畝百畝爲一畎九畎爲一井一井團束以治公田以出勸粟則一步有缺不成完畝一畝有毀不成完畎一畎有病不成完井不成完井則不能治公田不能出勸粟其勢不得不隨卽告訴其勢不得不隨卽補完曰起曰陳年々相仍遂成漏瘡破脣缺鼻有是理乎於是四井爲一邑四邑爲一丘一丘團束以起軍旅以賦車馬若一畝有缺卽一丘之長無以起軍旅無

以賦車馬年年相仍遂成漏瘡有是理乎故堯舜三王
之法不可不遵十遵其十則大善如不能然十遵二三
猶能為小康有敢以陳起欺君者乎又唯魚鱗圖不可
以不作也

大槩狀曰癸丑合沒陳田五十二結二十四負一束內
前起二十三結四十三負八束在陳二十八結八十負
三束○臣謹案癸丑合沒者大凶之季饑饉癘疫闔家
沒死遂為陳田者也此後魏隋唐所謂戶絕之田也戶
絕之田例為王田募民耕作中國之法本然也見上我
邦之法廉潔太過凡風拔之木朽而棄之封山大松千
萬株風拔者

法○皆○凡○戶○絕○之○田○陳○而○棄○之○國○安○得○不○貧○乎○自○今○戶○絕○
之○田○空○畫○之○為○井○以○作○軍○田○收○其○九○一○以○補○軍○食○則○曰○
陳○曰○起○無○所○言○也○

大槩狀曰○仍成川田○幾結仍反川田○幾結仍覆沙田○幾
結仍浦落田○幾結○臣謹案成川之時○無見之者也○覆
沙之時○無見之者也○浦落之時○無見之者也○幾結○幾負
無計之者也○田吏田監與之○瞬與之○帖○聶○岐○一畝者告
之曰○百畝舊所○岐者告之曰○今岐已爬沙者告之曰○仍
覆縣官夜荒○晝酣○尊重○跣○疎○不知端緒○署尾○惟謹○噫○隱
結之滋○誰能禁之

大槩狀曰舊初不畚五結五十負○臣謹案舊初不之
義鮮有知者初不起墾則不應載之於田籍也初不還
起則不應別之於舊陳也初不移秧則不應名之曰舊
田也臣嘗聞之曰舊初不者土品本薄自古不食雖有
稅額初不納稅之謂也夫自古不食民必不耕民若不
耕當入陳田耕而不食當入今災又何以舊初不立名
乎臣每逢野人問有以舊初不蠲稅者卒不見一人舊
初不者虛名也隱結之所寓也凡舊初不之名罷之無
疑

經國大典曰馬田院田津夫田冰夫田守陵軍田則自耕

無稅○諸司菜田內需司田惠民署種藥田並無稅○寺
田衙祿田公須田渡田急走田則各自收稅

臣謹案周禮牧田賈田之類皆非賜田乃賜其九一之
勑粟也○今直以田地賜之乃使之自耕無稅非制也若
行井勑之法則此等諸田悉空束之於九畝之中收其
九一以爲王稅加給田地以克其缺不可使自耕而無
稅也○又如諸司菜田及內需田惠民田皆王田也王
者買田募民耕作收其什五非禮也○空以此田悉畫爲
百畝○長十畝取附近民田八百畝○使使其佃夫治此百畝
於是乎井田也○收其九一以納于內需司○不可空乎若

菜田藥田又空雇人借耕全收其所種其稅無可論也
○衙祿者縣令之廩田也公須者縣令之廚田也此亦
當畫之爲百畝取附近民田八百畝助治此田收其九
一以爲官廩又須算其實食使之相當各自收稅食其
什五斷不可也○渡田者津夫之田也急走田者驛夫
之田也此類雖合賜田猶空助公以其賜田受之爲私
田乃於近地助治公田亦用九一之例未可已也周禮
凡私田八夫皆是大司馬教閱之卒文見上彼以軍卒猶
助公田津夫驛夫如之何其不助公也

續大典曰驛位田買賣者擅賣賭地者与受並杖一百徒

三年○驛位田覆沙翻川永不耕食者以廢寺田及屬公
田克給○牧子位田於牧場內各給二結買賣者以馬位
例論

臣謹案驛位田牧伍田皆王田也○既以王田阡陌相
連○則空畫之爲九畎○使驛夫牧子助治公田自食其八
不亦善乎○若然每原田八百畝增置一百畝○然後其一
夫所食無減於昔日也○臣伏念事之無實未有甚於
今之所謂牧場也○亟宜變通期有實效○詳在別篇○
條今姑略之○
夏官馬政

續大典曰青竹田官竹田楮田敬差官都事加意察處不

勤護養者監考刑推

臣謹案竹田楮田當與蘆田松田並為別籍不當混入於田籍大抵郡縣大槩狀規式原有未善今取康津縣大槩狀評議如左

大槩狀曰官竹田幾結兵營竹田幾結右水營箭竹田幾結加里鎮箭竹田幾結臣謹案此類宜別為一籍雖至千年不可以種五穀者載於田籍虛張文簿曰幾結幾結去麤去雜其實無多徒使覽者眩於省察非制也

大槩狀曰官岱田幾結鄉校岱田幾結社稷岱田幾結

海倉堡田幾結書院堡田幾結廟堂堡田幾結島關王

廟寺堡田幾結石梯院堡田幾結垣浦烽臺堡田幾結

○兵營堡田幾結將臺堡田幾結冰庫堡田幾結古海

倉堡田幾結○馬島鎮堡田幾結加里鎮堡田幾結古

今鎮堡田幾結薪智鎮堡田幾結○臣謹案凡此堡田

皆公署之堡田也公署堡田異於村家非有徙邑罷鎮

革除之令不可為田年年列書幾結幾結虛張元總乃

去麤皮曷若別為一冊式年一報以存其大體也惟所

謂古海倉堡田今種五穀若是者宜入田籍也

大槩狀曰壽進宮免稅畝二結○司圃署免稅畝八十

五負○內需司免稅田二十五負○成均館免稅畝五十負○臣謹案若此類其所存零碎本司來監則收不當費本縣往納則裝不滿擔徒亂文簿無補實用大凡諸官諸司所受諸路田畝空自戶曹悉聚其券契算其實數都以一縣各各畫給每年輪流無令釘著其或自置莊墅不可移動者以寡從衆使之移買不可使散置諸處以亂文簿也○臣伏念聖人心精故其制法亦精周禮王畿千里每以百里層層包裹士田賈田在五十里之內士田正士之祿田也官田牧田在百里之內官田賈田商賈之受價也庶士之祿田也牧公邑之田在二百里之內天子之家田牛馬之所養也

邑○之○田○在○三○百○里○之○內○之○卿○大○夫○其○外○皆○縣○都○也○由○是○觀○
之○內○之○需○司○壽○進○宮○明○禮○宮○於○義○宮○龍○洞○宮○諸○田○當○在○二○
百○里○之○內○忠○清○諸○司○之○田○當○在○三○百○里○之○內○如○家○雖○王○
子○駙○馬○所○受○諸○田○空○不○出○五○百○里○之○外○且○不○當○散○在○各○
處○以○亂○民○聽○聖○人○之○法○不○可○不○深○念○也○

續大典曰宮家免稅田以元結定給明定四標而他田混
入者嚴禁○一結收稅無過米二十三斗永作官屯處則
每負收稅租二斗船馬價雜費皆出其中○元結免稅續
典前折受外凡諸折受一切勿許○兩西江華地一切勿

許折受

通編云
關東同

臣謹案官房免稅之田多在於邊地絕島幽暗不顯久
為姦數民輸其十宮入其一二其餘皆官監之所私也
並互束之為井耰使民斂有減宮入有增也詳在下篇
大典通編云各官房無土免稅導掌差送之規並革罷每
結米則二十三斗錢則七兩六錢七分自該邑直納本曹
出給官房

臣伏惟無土免稅者不給莊土但就稅總之中或以百
結別授某官每十五結收錢百兩使自本縣直納于戶
曹無使官屬下來作掣朝家恤民之意於斯至矣乃
者本縣以此作姦己巳甲戌之冬一結防納之價多至

三十二兩錢米一兩一斗直通計百結之價爲三千二百兩於
是富戶腴田上品百結除之爲宮房之納冬春之交先
收此錢悉歸私橐及至麥秋以此販麥又以行商於北
沿取其贏羨其報于本宮則曰民力至窮不能督納及
至中秋始送錢如本率納于戶曹厥明年春御史發之
而其贓物置之不問豈有懲乎其始也吏用作姦已已
以來官奪其利如此之物皆徵於富戶此王稅之所以
歸於顛瘁也民何嘗觀望哉

國朝寶鑑曰

世祖六年

辛巳春

戶曹啓曰屯田之法載在

六典請令諸道觀察使就諸邑未置屯處擇荒閒之地作

屯田從之○經國大典曰官屯田自耕無稅○又曰國屯田以所在官境內鎮戍軍耕穫補軍資○又曰官屯田主鎮二十結巨鎮十結諸鎮五結大府及牧各二十結府郡各十六結縣驛各十二結○續大典曰大同行後官屯田仍舊不罷○又曰各鎮屯田不準數者觀察使以諸鎮角聲及聞處空閑田地克給○大典通編曰各營門各衙門屯田免賦出稅

臣謹案官屯田既使之自耕無稅則是官卒之所食非廩田也○今之官長取之爲俸廩不亦羞乎○詳在下篇

寶鑑曰

仁祖九年李曙爲摠戎使築南漢山城募民屯

田穀至累萬石

臣謹案屯田之法本所以給塞上之糧今之屯田爲軍門之私利蠹國病民其害甚巨不可因也詳在下篇

四
五
六
七
八
九

經世遺表卷之

負累臣

丁鏞撰

地官修制 田制九

井田議一

井田者田家之黃鍾黃鍾不作無以正樂音井田不作無以定田制

孟子曰離婁之明不以規矩不能成方員師曠之聰不以六律不能正五音堯舜之道不以仁政不能平治天下○臣謹案孟子每以井田爲仁政○仁政者井田也○孟子謂雖堯舜不行井田則無以治天下○此聖門相傳知

要之言也。井田如規矩焉，如律呂焉，以譬黃鍾，非臣之言，乃孟子之言也。

臣竊伏念井田者，所以立均出度，以率諸田者也。故堯舜三王之時，亦唯衍沃之地，乃作井田，非包山陵、括川澤、盡天下之田而爲之井也。其敬斜不平之地，區楯圭句算其實，積計爲幾畝，與今法同也。見首篇既然如此，何以謂之井田不可復也？堯舜三王之世，亦未嘗計口分田，田欠口溢，匪今斯今，義見既然如此，何以謂之井田不可復也？天造方員之理，凡圓者以六而圍，一凡方者以八而圍，一故聖人則之職官之制，設爲六官以奉一。

天職用國境
地職用方域
此天地不易之理也

之制設爲八夫以治公田亦唯職官在上故其
田地在下故其數用方此天地陰陽之正理神
之大法違之者爲逆理倍之者爲非法不可以
通者也今人名雖慕聖其實不知聖人爲何人
爲聖人者眊眊淳朴拱手端默不規規於利害
其道守正故不合於時空其心廣大故有時乎
迂闊其知之也如此故無事無爲之時虛尊爲
聖人及夫遇事而議制也有或以聖人之法措
之於當世者則羣吠衆眞指之爲古淡擊之爲
迂遠春秋之世猶無此習七國以來秦漢之間
此風大熾是古非今好高羞卑遂爲游

要之言也。井田如規矩焉，如律呂焉，以譬黃鍾，非臣之言，乃孟子之言也。

臣竊伏念井田者，所以立均出度，以率諸田者也。故堯舜三王之時，亦唯衍沃之地，乃作井田，非包山陵、括川澤、盡天下之田而爲之井也。其敬斜不平之地，區楯圭句算其實，積計爲幾畝，與今法同也。見首篇既然如此，何以謂之井田不可復也？堯舜三王之世，亦未嘗計口分田，田欠口溢，匪今斯今，義見既然如此，何以謂之井田不可復也？天造方員之理，凡圓者以六而圍，一凡方者以八而圍，一故聖人則之職官之制，設爲六官以奉一

王田地之制設爲八夫以治公田亦唯職官在上故其數用圓田地在下故其數用方此天地陰陽之正理神聖帝王之大法違之者爲逆理倍之者爲非法不可以私意變通者也今人名雖慕聖其實不知聖人爲何人其心以爲聖人者眊眊淳朴拱手端默不規規於利害其道守正故不合於時空其心廣大故有時乎迂闊其知之也如此故無事無爲之時虛尊爲聖人及夫遇事而議制也有或以聖人之法措之於當世者則羣吠衆眞指之爲古淡擊之爲迂遠春秋之世猶無此習七國以來秦漢之間此風大熾是古非今好高羞卑遂爲游

士○之○大○戒○然○所○謂○七○國○之○君○皆○數○世○而○亾○廟○不○血○食○其○
成○效○如○此○猶○有○言○乎○古○法○之○存○於○今○者○唯○有○堯○典○皋○陶○
謨○禹○貢○三○篇○及○周○禮○六○篇○而○已○臣○於○此○九○篇○研○精○覃○思○
蓋○有○年○所○其○考○績○奏○績○之○法○正○土○平○賦○之○制○種○種○條○例○
嚴○酷○栗○烈○綜○核○縝○密○一○滴○不○漏○一○髮○不○差○不○似○後○世○之○
法○敬○傾○散○漫○贅○疣○潰○裂○其○精○義○妙○旨○不○可○勝○言○特○以○戰○
國○之○末○王○風○已○淆○而○秦○燔○項○燒○遂○至○百○年○始○除○挾○書○之○
律○於○是○宇○宙○折○為○兩○段○三○古○之○事○杳○若○天○上○鄭○衆○鄭○玄○
之○等○艱○難○摸○索○僅○通○訓○詁○而○於○制○作○之○實○極○多○疎○謬○後○
世○之○人○以○註○解○經○不○復○研○究○遂○謂○先○古○之○法○不○可○以○措○

今然聖人者其智慧最深宜於一時而不宜於萬世有
是理乎封建是蒼蒼之古法今人所謂必不可行者也
然顧炎武郡縣論欲於郡縣之制參用封建之法今中
國之法與蒙古結婚以其女壻列爲北藩邊境遂安日
本之法正以郡縣兼之爲封建守令世襲國用治安何
必封建爲亂兆乎封建尚然況於井田乎○九一者天
地方員之正理多於九一民不可支也輕於九一國不
可給也古者九一上下咸安自漢以來輕於九一然賦
役繁興徵斂無藝豪猾兼并農夫樵悴悉計所入其不
爲什七八者鮮矣誠若九一是復而九一之外雜害悉

除民有不蹈舞者乎欲行九一之法則必於平原衍沃
之地畫爲井田正方如絜矩經緯如碁局明示萬民曰
九一之率如此遂以此率立爲黃鍾以正諸率凡匾者
脩者圭者句者一以是率之此井田之所以作也原其
本意唯十里五里置一井焉可也又緣井田之法仍然美
好其平廣之地遂皆畫井此井田之所以廣也今有制
樂者曰雖非黃鍾吾可以正五音末有不黜其愚者欲
立田制而不設井田何以異是臣故曰井田宜復也

宜与一二大臣欽定厥議三日齋戒乃入太廟昭告我
太祖太宗世宗世祖列聖先王曰將理經界上遵王道下

安民生爲萬世立經陳紀乃御敦化門集文武百官六

部八道之民布告大號曰予罔汝恫汝其無恐

臣伏惟經畧者天地重初之大事也不可不嚴重其禮

古者發號施令皆於宗廟示不敢專也况我邦之事少

有夏張必三司諸臣喙喙爭鳴發言盈庭作舍道傍宜

先定聖志乃名一二十大臣可與謀國者敦定厥議然後

上告宗廟下告萬姓則臣民見者咸知先靈難誣

事在必行於是申諭文武百僚曰凡言因循不改者政

院直以其疏投諸水火唯於所頒條例或有不便或有

加利可備採用者予其樂聞其各悉陳如是則民志定

而國事不沮矣。夫堯舜之所以爲堯舜者，其力量弘大也。堯典曰：有能奮庸，奮者迅也；發也。雞絕有力，曰奮羊。絕有力，曰奮奮者，絕有力也。欲正經界，亦唯人主力量弘大，奮發興作，乃可爲也。

欲作井田，先慮財用，乃召大臣，欽定厥議。一中外留庫之錢，悉算其額，一中外將臣、藩臣、帥臣、牧臣，算其俸錢法，與非法，悉陳無諱，存其什二，餘助斯役。一諸路金銀鑛穴，已試有驗者，悉遣差官監其採鑄，別遣御史嚴察奸惡。

臣伏惟經界之政，別無冗費。見下惟是公田一區，官給其價。公田一區，大約百畝。水田十畝，之地適爲四斗，落則百畝，將近四十斗，落雖

一斗一貫其錢已四百兩十一兩貫謂若買十區四千兩也
若買百區四萬兩也若買千區四十萬兩也若買萬區
四百萬兩也雖竭一國之力以買數州之公田猶患不
給而況於一道乎況於八道乎雖然我邦方域極小國
中之民如在囊中上雖散財無以遠走國中之財仍在
國中如屈產之乘垂棘之璧出諸內府置諸外府楚人
失之楚人得之國未嘗有損也管子以江淮三脊之茅
用之爲國幣以贍其用善用財者日散而還聚之如范
蠡之三散三聚如武侯之七縱七禽古之聖人知其然
也故曰藏富於民由是言之朝廷雖日費千金畢竟千

金還。在國中。非知道者。所宜憂也。
臣嘗見乾隆壬子間。備局所錄。中外留錢之數。兵戶曹。宣惠廳。及五軍門。留錢通共一百萬五千二百四十兩。而內需司。壯勇營。不與焉。四都八道。巡兵水營。休番錢。勅需錢。及各項留錢。通共一百萬二千三百五十兩。堂萬乘之國。其府庫之藏。不過如此。誠足寒心。然國家儲蓄之法。物各不同。國無三年之蓄。國非其國。粟可留也。邊境有事。金銀之幣。以需其急。金銀可留也。惟錢之爲物。利於流行。不利於儲蓄。其性本然。故今中外所留之錢。雖一日查檢。緘封而鐵鎖之。終不能藏伏一處。其

掌管之臣義在執守則錢得不走其掌管之臣意在疏
通則錢乃走散或身犯焉或吏胥犯焉或市井富人及
賓客販貨者犯焉恆留不散者未之有也嘗見先朝
查諸司欠錢多至五十萬兩數年收入僅充其額又嘗
見海州勅需錢七萬餘兩爲一庫奴所犯數十年相因
不發觀察使李義駿始發其事得以充額由是觀之其
所謂留者未可信也就其中略以數十萬兩留庫其餘
散買公田掌財之臣苟善經理不出十年當有以復其
元額也

義詳下

臣伏惟經理之政天地重初之大事也其事則不可不

爲其費則不可不備小民重財而輕義雖大豪巨富積
錢如山不可勸也惟是清朝世祿之臣高位腴廩之人
少學先王之道長知體國之義者今停數十年俸廩以
助斯役其誰敢不悅而不肯乎今歲事小愆輒減百官
月祿嗟呼遐鄉旅宦之客殘司服勞之臣月受十餘斗
腐米以延其命者猶不免時減其祿以體國急况於厚
祿者乎四軍門大將算其歲食予之以什二其餘悉買
公田四都留守八道監司算其歲食法与非法咸錄無
遺除其公用得其實數予之以什二其餘悉買公田八
道兵馬使水軍使及雄州巨牧郡縣之稱腴者皆如上

法○惟○歲○食○不○滿○千○兩○者○隨○其○邑○力○或○買○一○區○或○買○半○区○
不○可○加○也○在○昔○英○宗○朝○設○均○役○之○法○郡○縣○所○食○或○有○
減○損○無○敢○怨○者○彼○減○雖○小○永○減○者○也○此○減○雖○大○暫○停○者○
也○其○敢○有○怨○之○者○乎○爵○祿○本○是○公○物○非○其○私○物○生○未○得○
沾○者○猶○或○安○焉○無○罪○無○辜○遭○讒○罹○法○數○十○年○枵○廢○不○沾○
寸○祿○者○猶○或○安○焉○况○身○都○其○職○尊○貴○榮○名○自○若○如○故○惟○
其○俸○廩○有○減○豈○得○懷○懟○乎○但○於○其○間○不○挈○眷○屬○不○事○饋○
遺○不○買○田○莊○於○是○乎○裕○如○矣○平○安○監○司○歲○食○二○十○四○萬○
兩○其○半○公○用○也○九○萬○六○千○兩○納○于○經○田○司○猶○其○所○餘○二○
萬○四○千○凍○餒○其○足○憂○乎○黃○州○牧○使○歲○食○三○萬○兩○其○萬○兩○

公用也。一萬六千納于經田司。猶其所餘。恰爲四千。凍
餒其足。憂乎他。皆如此。雜言不須聽也。國以此錢。或實
之於瓊林。或費之於珠翠。高宮殿。廣臺榭。媚仙佛。征胡
貉。以荒厥德。則臣諫。民詛。所不辭也。今也遵先王之大
道。立萬世之大經。上延邦命。下厚民生。其誰有不迪者
乎。俸者。君賜也。雖其非法之俸。亦因君賜之爵。而加得
之者也。凡君賜之物。君欲賜之。則賜之。君欲勿賜之。則
勿賜之。肯與不肯。其權在上爾。焉敢私之。不知斯義者。
不足以事君。不足以事君者。烏可使食其俸矣。蕭曹張
陳絳灌。隨陸之等。八年干戈。櫛風沐雨。孝者不能事父。

母慈者不能育妻子水飲艸食以贊帝業若是者何也
共患難然後可與共安樂義本然也今國家欲經綸草
昧重初天地亦屯難之會也立君之朝而食君之祿者
不以此時盡其裨補之誠將焉用彼臣哉此義不可以
不明也

臣伏惟金銀銅鐵之產必於高山大嶽我邦東西千里
南北三千里其間平原廣野僅有數處其餘皆礦穴之
所在也江界之銀坡洞偶爲銀店其實南方諸山未嘗
非銀處也遂安之彥真山偶爲金店其實南方諸山未
嘗非金處也臣嘗任谷山府其北坊諸山都是銀穴民

有持銀朴以請設店者臣以爲既不公採適以蠹國故嚴禁而勿許今星州昌原之間淘沙得金歲以萬計奸民乘夜盜採雖殺之不止銅錫之產益無定處凡折骨之人不出百步必採生銅其布地可知乃所以國設厲禁不許官採者其說約有數端其一曰中國知之恐求索無厭也其一曰無賴也聚藏亡匿奸恐其漸大謀爲不軌也其一曰君子之道斥利輕財聚斂之臣不如盜臣凡言興利者皆小人也其一曰游手浮民以店爲歸力農之家難得傭雇也凡此數者皆不然之言也今朝令禁齎黃金以赴燕者然國中無所用金故歲採千

斤則千斤入于燕歲採萬斤則萬斤入于燕朝鮮之有
黃金不可諱也臣嘗於西邑見京司上納之錢雖至萬
兩皆於笏洞山彥真販生金以去詢其故曰象譯求之也
何不熟金曰燕人貴生金不願乎其熟也已未春計勅
出來一自其後生金失利還求熟金詢其故曰嬖臣和
珅以生金二百盆列爲花盆以金爲土中建珊瑚以爲
寶翫和珅專求生金以同其色故生金刁躄和珅旣敗
此物無用由是觀之燕人其不知耶和珅知之又孰不
知此其破綻透拙孩兒之自閉其目而求爲迷藏者也
欲金之勿入燕空作金錢行於國中使其直高於燕直

則雖日撻而求其燕亦無有齎去者也不圖出此啓必
漏之竇設不行之法外取鄰國之侮內壞小民之習使
珍寶日散紀綱日頽此其不然者一也嘉慶壬申嘉山
賊洪景來等因多福洞金店起兵作亂今之所大懼者
此也然此惟不自官採而許民私採故致此姦宄若自
度支水部主管斯事以耳堂學士差遣爲監採御史以
戶曹正郎工曹正郎曾經光羅州牧使者往治其事凡
雇軍淘金嚴定額數查其根脈察其性力於是編爲隊
伍整齊團束一切奸民猾賈悉行辟除四方五里設柵
立標禁民往來專一採金歸之戶曹夫豈有孽牙其間

者乎不圖出此乃使土豪巨猾自爲礦主或使營裨縣
校往而監之賤流小民相與符同打成一片奸百詐
交舞胥騰招呼無賴亂無紀統其弊不出一洪景來乎
禹貢荊州楊州皆貢金銀銅三品明州內諸侯各有官
採故領州之牧得有貢獻周禮卅人掌金玉錫石之地
而爲之厲禁厲禁者禁民之或私採也歷考典章金銀
銅鐵之冶皆係官籍豈有私採者乎許民私採本是東
俗此其不然者二也大學一篇潑戒聚斂聚斂者用田
賦逐畝稅之類也國不生財其勢不得不聚斂誠以祭
祀賓客餼廩兵甲費用浩大生財無竇而所用切急則

不得○不○權○且○聚○斂○一○番○權○斂○遂○成○石○典○聚○斂○之○害○由○不○
生○財○也○故○大○學○曰○生○財○有○大○道○生○之○者○衆○爲○之○者○疾○則○
財○恒○足○矣○聖○人○之○欲○生○財○如○是○也○秦○漢○以○降○蜀○漢○以○前○
史○無○採○金○之○說○而○黃○金○賤○如○糞○土○行○間○之○金○不○下○於○萬○
鎰○千○鎰○賞○賜○之○金○必○至○於○千○斤○百○斤○若○是○者○明○三○代○遺○
金○流○下○不○匱○也○儒○者○讀○書○未○精○學○道○有○偏○其○流○之○弊○凡○
山○林○經○幄○之○臣○挾○冊○登○筵○惟○理○氣○心○性○之○說○是○論○是○奏○
一○字○半○句○未○敢○或○及○於○財○賦○其○人○本○自○疏○通○非○不○知○爲○
天○下○國○家○者○不○能○不○留○心○財○賦○而○此○奏○一○出○羣○嘲○衆○嗤○
名○聲○大○落○寧○受○識○者○之○暗○笑○難○當○妄○人○之○顯○斥○故○依○例○

敷○奏○而○出○也○孔○子○譽○其○弟○子○曰○由○也○千○乘○之○國○可○使○治○
賦○求○也○千○室○之○邑○可○使○爲○宰○自○古○生○財○聚○貨○莫○如○管○仲○
而○孔○子○常○稱○其○功○專○以○財○賦○爲○污○穢○之○物○不○敢○以○登○諸○
口○吻○非○所○以○爲○天○下○國○家○也○我○東○先○輩○唯○文○成○公○臣○李○
珣○以○改○貢○案○改○軍○籍○養○兵○十○萬○之○說○申○申○然○陳○於○上○前○
真○是○有○用○之○學○也○一○節○之○士○尚○不○當○恥○言○財○賦○况○萬○乘○
之○君○三○事○之○臣○清○疎○如○此○其○何○以○爲○國○家○乎○此○其○不○然○
者○三○也○周○禮○以○九○職○任○萬○民○九○職○農○居○一○焉○三○曰○虞○衡○
以○作○山○澤○五○曰○百○工○飭○化○八○材○不○必○天○下○之○民○悉○勸○之○
爲○農○也○農○者○爲○農○井○者○爲○井○不○相○妨○也○礦○穴○數○里○之○內○

或○其○農○夫○患○得○傭○雇○豈○可○以○悉○顧○之○哉○况○私○設○之○店○亂○
雜○無○統○故○游○手○浮○民○無○故○得○食○於○店○中○所○以○爲○弊○若○官○
設○行○司○嚴○其○鈐○束○則○浮○游○之○民○什○減○七○八○亦○無○以○病○農○
此○其○不○然○者○四○也○臣謂諸路金銀銅鐵置官冶數百所
亟○行○淘○鑄○略○以○所○得○補○中○外○留○錢○出○散○之○數○乃○以○歲○出○
全○用○鑄○幣○金○銀○銅○三○錢○各○具○三○等○以○此○九○幣○行○於○國○中○
永○塞○走○燕○之○路○徐○充○公○田○之○價○未○可○已○也○金銀銅又詳別篇

亦唯多田士民必有感激欣勤自願納田者須遣曾經道
臣牧臣有遺愛仁聲者巡行田野曉喻朝廷德意詳陳民
國利害如有聽從者咸錄其田

臣伏惟朝廷爲此大政不宜先謀庶民故並自朝廷先
辦財費以正事面然民之秉彝好是懿德忠順樂善之
人○世○固○有○之○况○數○十○年○來○民○積○困○橫○斂○不○可○聊○生○已○甲
以○來○貧○民○死○亡○殆○盡○民○戶○減○縮○存○者○徭○役○倍○重○積○怨○潑
悲○陞○鬱○在○中○若○聞○朝○廷○行○此○大○政○必○有○感○憤○激○烈○出○力
以○助○成○者○况○其○明○效○近○在○朝○夕○非○若○迂○遠○之○事○經○久○乃
成○其○有○明○於○利○害○者○屈○指○打○算○計○較○得○喪○亦○必○有○欣○然
樂○從○者○矣○臣○方○修○此○篇○或○有○富○人○來○者○試○以○問○之○曰○子
既○積○困○橫○斂○將○至○破○家○前監司金啓溫之上疏曰凶年
豐不如歉富不如貧生不如死若自朝廷修明九一之
人以爲名言明富民益困也

法如此如此子之腴田既連阡陌九苦之落一百八十
納一苦落以作公田遂以八佃治此公田自作田監收
其勸粟納于漕倉一錢一粒無復徵索其有徵索邦有
常刑子將若之何其人欣然擊節曰誠如是也奚但一
苦雖納三苦有不樂從者曾犬豕之不若也補國姑捨
縣吏藪破其雪恥抒憤不亦樂乎臣曰子之言浮矣今
日之言我以閒談子以閒聽所以輕諾若一使臣真箇
下來瞿然以恐悶然以憂者非子伊誰其間利害如此
如此子其細商其人屈指打算乃復欣然曰九苦之落
我若防納其租四十五苦也九百每一苦三兩則其錢

一百三十五兩也。今之畝價一斗之落多者五兩少者三兩一畝之落多者百兩少者六十兩。雖從其多者三十五兩。吾之利也。吾以百兩之錢放出子錢一畝而收。若得什三之利。吾將謝其信義。欣其貨殖。況坐而得之者乎。吾以百兩先執代土。俗以賣田而買田者謂之代土三十五兩又以買畝其落七斗也。七斗之落吾之利也。雖於來年還破其法。吾已大賈。況年復年年得此贏羨。子孫萬世享此。胡福上順朝令以取美名下。蔭家嗣以享遠利。吾不病風其有不百拜以納田者乎。傍一寒士默然坐聽訖。潛然出涕曰。吾有薄畝數畧可種三斗。乞納一斗以成。

此事此臣所耳聞而目見者也其後每逢野人輒以是問所答皆同由是言之曩所謂官出錢以買公田者卽所以準備非必皆一一給錢而得之也○臣謂宜出式例或有田九苫落者許納一苫落以爲公田有九石落者許納一石落以爲公田一石者十五斗一斛落以爲公田一斛者十斗其不滿九斛者勿許納田或其田可爲公田乃官出錢買之然利害所商貧富皆同不必準價有同私買官雖從厚民宜從輕然人之賢不肖有萬不同但當隨其所願優厚以爲式也○總之朝廷遣使須取民望必於本道曾經監司有遺愛仁聲者

乃得成事其不然者民不信民不信則事不成矣

於是別建一司名之曰經田司專掌是事其提調卿一人
中大夫二人下大夫二人副正上士二人主事
中士四人
極選文理密察之士俾正經畧○其提調三員戶曹之三
大夫爲之其二員別選綜明之人副正二人以王堂擇差
出則爲經田御史其主事四人以曾經守令有聲績者爲
之

此常有之官若於經理之初又宜加差○都提調三公
爲之又置員外郎幾員隨其職品或稱主事或稱監役
或稱參軍

詳下條

以治田事待經畧成功並卽減下○臣

伏念茲事雖大其提調五員之外不必加差誠以發言盈庭無益於事功唐虞之際於斯爲盛惟禹稷二人專掌其事聖人做事之法本如是也

宜勅諸道凡平原衍沃之地先畫井田或三里一井或五里一井

臣伏惟周尺之度今無真傳諸書所圖參差不合唯中
人指寸所差未遠大戴禮曰布指知寸此之謂也今宜
以時王中指中節兩紋之間定爲一寸遂以造尺於
是六尺爲步步百爲畝百畝爲一夫九夫爲一井溝遂
徑涂別自劃地不在計中○今國中之田無非私田將

若○之○何○將○大○有○爲○奚○顧○細○節○凡○可○井○之○地○不○問○其○肯○與○
不○肯○畫○之○爲○井○然○後○乃○問○其○價○其○公○田○一○區○官○出○其○價○
大○約○從○厚○其○私○田○八○區○問○其○時○占○凡田皆王田也私主
不可謂之田主故名
之曰時占下皆若○其○八○區○都○係○一○家○之○田○亦○令○仍○舊○無○
倣此覽者詳之使○分○裂○但○使○時○占○嚴○選○八○夫○分○授○八○區○毋○使○一○夫○得○佃○
二○區○於○是○乎○井○田○也○於○是○以○此○八○夫○共○治○公○田○一○如○古○
法○及○秋○而○穫○公○田○之○粟○以○之○輸○公○不○復○有○租○稅○雜○徭○侵○
此○八○夫○於○是○乎○九○一○也○○若○八○區○之○田○本○係○多○人○所○占○
而○其○畫○井○之○時○或○一○角○入○井○或○一○角○有○欠○者○令○賣○之○使○
成○方○買○之○爲○完○區○公○議○定○價○大○約○從○平○○若○一○區○之○內○半○

爲甲田半爲乙田而甲乙皆貧皆不能買而合之者許
兩人並耕○凡此八夫必其家有壯男三人然後乃得
授田每二家有犁牛一頭然後乃得合耦其或一家各畜一頭者在
所不其或無牛者官買牛給之別收其稅○凡作井之
禁役其佃夫不足役其鄰田之佃凡田役皆霜降後
起功春分前輟役如有未了留待來秋

其平原廣野可以加畫者或作四井或作九井或作十六
井或作二十五井別選材幹之士使掌其事經畧旣畫授
以初仕各陞遷有差

臣伏惟黃鍾示民之井雖三里一井人稠處五里一井稀村

處無所不足。然井田本是良法。因以廣之。使九一之助。益以明白。所不可已也。然黃鍾之井。民雖不肯。官當壓之。推廣之。井民若不肯。不必強之。空選高貲幹局之人。使作此井。貴族績文者。賞之以東班之仕。冷族無文者。賞之以西班之仕。不必授以他職。直於經田司加置監役。幾窠參軍。幾窠勿限員額。爲九品初仕之窠。以待其人。凡作四井者。卽授教旨。竣事之後。仍於本地察其事。六年監穫。乃陞中士。如今之爲諸司直長。入仕于京司。其四井者。二千六百畝。凡作九井者。卽授教旨。竣事之後。仍於本地察其事。五年監穫。乃陞中士。入仕。

于京司其九井者三千三開方也凡作十六井者如上例四

年監穫乃陞中士十六井者四四開方也其凡作二十

五井者如上例三年監穫乃陞中士二十五井者五五

萬二千五百畝其作四井者仕滿出而為察訪邊將其作九井

者仕滿出而為縣令其作十六井二十五井者不唯其

勤勞可錄抑其才局力量可屬大事自縣令陞而為郡

守牧使遂入藩閫之薦未可已也我邦平原極少二十

五井以上不必議也二十五井者方五里也○雖不高

貲其德望威權有足以和輯一鄉者宜任是職其有財

費必其親戚朋友有相助以成其美者也○黃鍾之井

御史主之

經田司郎官出而爲經田御史

推廣之政一委此人其一角

之買賣半段之混合

前已見

役民用財官家都不照管唯

井地時占之人有不循公議專憑私慾強梗橫拏沮戲

大事者監役參軍得論報御史嚴刑遠配或謫訕朝廷

以沮萬世之利者直用極律其監役參軍有背公殉私

惜費使威以招民怨者御史提警大者論罷○凡作井

皆照上例其公田價本官給之其餘雜費聽監役參軍

自辦○監役參軍或於竣事之前遭其親喪其職名許

遞仍於葬後与其兄弟子姪察其田事勿議移授服闋

還授本職○監役參軍陞品上京之間其祿米大豆自

本縣以儲置米逐朔頒給並依本品○監役參軍應有
率屬史一人隸二人並自本里擇人自隨

或曰爵祿者名器之大者也今以溝洫小勞輕予爵祿
雖在貴族猶空難慎况下戶冷族視其貲財任以此事
皆令入仕名器褻濫體面苟且豈王政乎答經界者王
政之本也堯典命官惟先命稷乃命司徒始敷五教孔
子論王道先富而後教孟子論王道先言百畝乃說孝
悌夫以五教之急而後於田政則王政莫大於經界也
經界不正則戶口不清經界不正則賦役不均經界不
正則教化不興經界不正則兵備無寄經界不正則奸

猾○不○息○經○界○不○正○則○詞○訟○日○繁○萬○病○千○瘼○焚○然○淆○亂○東○
撞○西○觸○莫○可○揅○理○王○政○莫○大○於○經○界○也○欲○治○此○事○何○官○
是○惜○今○詩○賦○雜○藝○俳○優○賤○技○項○羽○沛○公○狂○言○妄○說○無○補○
國○家○無○裨○生○民○以○之○爲○洗○馬○以○之○爲○校○理○以○之○爲○豕○宰○
以○之○爲○相○國○不○云○名○器○日○濫○乃○此○經○界○大○事○上○延○國○
命○下○平○民○賦○禹○稷○之○流○亞○李○悝○趙○過○之○伯○仲○授○之○以○監○
役○參○軍○既○奏○其○績○授○之○以○察○訪○縣○令○顧○獨○曰○名○器○空○慎○
乎○漢○有○力○田○之○科○凡○力○田○致○蓄○積○者○二○千○石○薦○門○授○之○
以○郎○署○彼○自○力○其○田○無○與○民○國○猶○可○薦○進○况○上○順○君○
命○佐○興○王○道○其○功○不○中○官○乎○漢○武○帝○以○田○千○秋○爲○富○民○

侯封侯尚可。况於拜官乎。况我東方自天地開闢以來。其山林川澤丘陵原隰。皆以本質。遂至今日。混沌未鑿。大朴未散。今此大事。乃燧人炎帝開物成務之始。黃帝堯舜區畫經理之政。當此之時。其有功此事者。雖在下執事之列。當配食太社。永世不忘。矧區區九品之官。何可言哉。○子謂體面苟且。應以高貲之選。爲不如公舉也。然此事不能無糜費。苟欲官給。雖罄太農猶不足矣。使鄉里之豪治之。如私事。則其所費不濫。無破家蕩產之患。而事功以凝。与其拘小節。以廢大業。曷若略小嫌。以成大德乎。凡公田皆給其價。凡私田皆仍舊占。伊雖

高貲實無巨費何損於體面乎但高貲然後其井地多
係已物其佃夫多係役屬其奴僕足以備使令其錢布
足以供推移計非高貲不能爲也惟大德大權可敵高
貲茲所以並舉也

或曰經界既是國之大政空令耳目之臣往治其事且
有守令旣爲地主空令董飭庶有綱紀今使草茅寒士
一朝任此大政得無僨誤答耕當問奴織當問婢朝廷
之事貴臣知之草野之事寒士知之所學習不同也厨
傳留滯公費難當也物情壅隔民怨難察也地位尊嚴
役丁之勤惰難齊也况使守令一或干預奸吏猾胥得

以其間受賄作奸操縱闊狹宋徽宗方田之事前鑒昭然不可蹈也

凡厥郡縣或有文武朝官落職閒居者自經田司薦授其事其或時仕在朝或出爲守令如有九井以上可以作井者在其本鄉自經田司啓請下送以治田事

臣伏惟朝官未必皆賢又必貨貨不至貧乏然後可任此事若材略本短權力本輕而徒以朝官希功望賞圖任此事者嚴禁勿許其許之者大夫稱經田副使上士中士稱經田司員外郎下士稱監役參軍授以職牒○時仕朝官亦遞其本職改授經田司職名○凡以朝官

任事者竣事卽移京官別叙其功下士陞中士中士陞上士上士陞大夫或仍授本郡縣守令以善其後
二三四五開方之外或其旁側可畫一井者亦自本縣選
人任之自本縣施賞

臣伏惟力有不給不能大舉而平原衍沃之地苟可經理者雖一畎二畎皆當畫之況一井之地乎宜自本縣選人授任及其竣事或授鄉官或授土校或授將官卽摠把○其一二畎作方畫之爲百畝四角如法者亦行賞有差○凡作一井者唯中一區爲公田凡作一二畎者悉以所畫並作公田皆官給厥價

其可井而未井者其終不可爲井者乃皆打量算其實積
凡方六尺爲步十步爲一畷十畷爲一畝十畝爲一畝十
畝爲一畝

臣伏惟經界者有形之物也肥瘠者無形之性也有形
則可以尺度自絜也無形則唯以告訴爲憑也尺度無
私不可欺也告訴多詐不可信也雖使肥瘠之性連千
畝而皆同互萬古而不變猶爲難知況土之肥瘠畦步
以殊歲月以遷村盛人稠則瘠者以肥村敗人稀則肥
者以瘠或松林近茂則田性忽薄或崩沙上覆則田出
以倍或無故無端土性忽然衰減水泉忽然乾涸此衰

則○彼○盛○此○涸○則○彼○溢○遷○移○變○幻○不○可○執○定○割○爲○九○等○搭○
定○不○動○以○及○永○世○非○達○物○之○政○也○况○可○以○差○爲○六○等○長○
短○闊○狹○等○各○有○差○以○之○爲○把○束○負○結○乎○臣○又○思○之○井○田○
之○法○但○收○九○一○之○耨○土○之○肥○瘠○原○不○必○問○然○而○禹○貢○有○
九○等○之○文○者○必○其○公○田○之○粟○井○各○不○同○不○得○不○分○爲○九○
等○以○察○其○大○摠○也○私○田○肥○瘠○雖○不○必○分○等○而○周○禮○大○司○
徒○以○九○等○制○天○下○之○地○征○若○所○謂○上○地○中○地○下○地○者○其○
大○綱○也○議見然則無形之性周人何以辨之臣以爲今
也○田○皆○私○田○官○欲○冒○之○以○稅○額○故○諱○肥○爲○瘠○其○真○僞○難○
知○也○古○者○田○皆○王○田○官○欲○授○之○以○佃○作○故○爭○肥○辭○瘠○其○

情實卽露也。今富人授佃其肥者，納賂而碎首其瘠者，投帖而掉頭於斯之間。田之優劣，錙銖畢露。古之任田，何以異？是此周人之所以分田九等，而其等皆無錯也。今分田等雖禹稷監臨，其何能如是乎？故結負之法，斷不可用。今旣里畫一井，以立黃鍾之率，則其傾仄未井之田，亦當以此爲率。但積百畝卽爲一畎，令与七夫同治公田，其肥瘠厚薄，原不必問。六等九等，原不必分。必使國中之田盡爲王田，王以田授民，然後其等乃可分也。○其積畝作畎之役，令本州守令擇人以爲之，算其實積，空如舊例作畎。旣畢，馳報經田司。○經田御史乃

率計士二人習於算學者爲從事官又於觀象監別選一人習於數理者爲別軍官至本縣查檢其打量不精者逐畝改正計其差忒通計一縣其所差百畝以上徒一年二百畝徒二年三百畝徒三年以此爲差差至九百畝者徒九年其掌事鄉監胥史之等並与守令同罪凡經田有故犯作奸得罪者上告宗廟皆限滿而放不議於赦令

其遠於公田而田滿九畝者仍於其中擇一大田以爲公田或開方爲百畝或廣五畝長二十畝亦必畫之爲正方形毋得敲斜句曲如私田

臣○伏○惟○山○谿○偏○仄○之○地○不○唯○不○可○以○畫○井○並○亦○不○可○以○
畫○畝○謂○十○十○開○方○若○是○者○或○廣○五○而○長○廿○或○廣○五○而○長○十○
合○二○區○以○爲○一○畝○或○五○五○開○方○每○以○二○十○五○畝○爲○一○區○
乃○以○四○區○合○之○爲○一○畝○以○作○公○田○雖○然○如○此○凡○名○公○田○
者○皆○四○角○正○方○不○得○斜○曲○如○私○田○其○或○丘○陵○懸○遠○之○
地○谿○谷○幽○深○之○處○時○起○數○畝○因○以○爲○家○者○亦○皆○与○阡○陌○
相○連○者○通○同○作○畝○以○束○九○一○之○耨○九○畝○作○井○既○畫○幾○
井○乃○有○零○畝○零○步○不○滿○一○井○者○令○於○附○近○四○邊○求○一○可○
墾○之○地○芟○燒○坐○起○以○充○其○數○其○役○丁○取○之○於○近○井○近○井○
不○足○取○於○其○次○其○無○餘○地○可○以○起○墾○者○就○附○近○丘○陵○

墾之不患其不得也

聖天子不歌其不辭也

